


# ЎЗБЕКИСТОН BUNYODKORI



UZBUNYODKOR



t.me/uzbunyodkor



uzbunyodkori@uamail.uz

## СТРОИТЕЛЬ УЗБЕКИСТАНА

Газета 2016 йил 2 августдан ҳафтанинг сешанба ва жума кунлари чиқади.

### Шу куннинг гаплари

Сергели туманидаги Кичик ҳалқа йўли ва Салар канали устида узунлиги **788** метр, чиқиш-тушиш қисми билан ҳисоблаганда **950** метр кўприкни бунёд этиш давом этмоқда.

Жаҳон банки томонидан магистрал электр тармоқ подстанцияларини модернизация қилиш ва тизим фаолиятини рақамлаштириш бўйича **380** млн доллар кредит ажратилди.

Андижоннинг Избоскан тумани ҳокимлиги ташаббусига кўра, **25** нафар фуқароларнинг уй-жойлари учун қурилиш ашёлари тарқатилди.

Лойиҳа қиймати **1,134** млрд сўм бўлган Аҳоли бандлигига кўмаклашиш марказининг янги биноси Элликқалъа туманида фойдаланишга топширилди.

Гулистон қурилиш коллежи ҳузуридаги Қурилиш соҳасида малакали мутахассисларни тайёрлаш марказида ўқув курсини тугатган битирувчиларга **сертификатлар** топширилди.

БМТ тараққиёт дастури ва Глобал экология жамғармаси билан ҳамкорликда Тошкентда “кўк” транспорт йўлаги ташкил этиш учун **20 та электробус харид қилинади.**

## ХУСУСИЙЛАШТИРИШ СОҲАСИДАГИ ИШЛАР НАТИЖАДОРЛИГИ КўРИБ ЧИҚИЛДИ

Президент Шавкат Мирзиёев раислигида 1 июль куни

давлат активларини хусусийлаштириш соҳасидаги ишлар натижадорлиги ва келгусидаги устувор вазифалар муҳокамаси юзасидан видеоселектор йиғилиши ўтказилди.

Хусусийлаштириш – муҳим иқтисодий тадбирлардан бири. Бу нафақат бюджетга тушумни таъминлайди, балки янги инвестиция лойиҳалари, иш ўринлари ва қўшилган қиймат учун пойдевор бўлиб хизмат қилади. Чунки тадбиркорлик ривож учун энг зарур шароит, аввало, ер, бино ва инфратузилмадир.

Шу боис хусусийлаштириш масаласи иқтисодий ислохотларнинг асосий йўналишларидан бири этиб белгиланган. Жорий ва келгуси йилда давлат улуши бўлган корхоналар сонини камида 3 баробар қисқартириш бўйича иш олиб борилмоқда. Бу ислохотлар дунёдаги нуфузли экспертлар ва оммавий ахборот воситалари томонидан ҳам эътироф этилмоқда.

2020 йил 27 октябрда Ўзбекистон Республикаси Президентининг “Давлат иштирокидаги корхоналарни ислоҳ қилишни жадаллаштириш ҳамда давлат активларини хусусийлаштиришга оид чора-тадбирлар

тўғрисида”ги фармони қабул қилинган эди. Бу борадаги ишлар ўз самарасини бериб, жорий йилнинг биринчи ярмида 478 та давлат мулкни 1 триллион 100 миллиард сўмга сотилди.

Лекин бу борада қилинадиган ишлар ҳали кўп. Хусусан, сотилиши белгиланган 556 та мулкдан 288 таси савдоларга чиқарилмаган. Шунингдек, давлат корхоналари ва банклар ихтиёрида уларнинг асосий фаолиятига хос бўлмаган 511 та объект ҳалғача сотилмасдан турибди.

Йиғилишда хусусийлаштириш жараёнини самарали ташкил этиш, аукционда қатнашиш тартибларини соддалаштириш ва иштирокчилар сонини кўпайтиришга қаратилган вазифалар муҳокама қилинди.

Қайд этилганидек, жорий йилда 900 дан ортиқ давлат мулкни сотувга қўйилади. Энди давлат мулкларини “1 сўм” қийматда савдога чиқариш, ер участкаларини инвестиция мажбурияти билан сотиш

амалиёти бекор қилинади ва улар бозор баҳосида электрон савдоларга чиқарилади.

Бундан ташқари, онлайн аукционда қатнашиш учун тўловлар бекор қилинади ва тадбиркорларга электрон рўйхатдан ўтиш харажатлари Давлат активларини бошқариш агентлиги томонидан қоплаб берилди. Аукционда мулкни сотиб олганда тўлов мuddати ҳозирги 5 кундан 15 кунгача узайтирилди.

Бундан бунён давлат улуши 50 фоиздан юқори бўлган ташкилотларнинг бино-иншоотлари, транспорт воситаларини сотиш ва ижарага беришни фақат электрон аукцион орқали амалга ошириш тартиби жорий этилади.

Мутасаддиларга ушбу янги тартибларни назарда тутувчи қарор лойиҳаси ишлаб чиқиш топширилди.

Тошкент шаҳридаги 13 та йирик кўчмас мулк объекти ҳамда 11 та тармоқ корхоналаридаги давлат улушларини хорижий консултант-

ларни жалб қилган ҳолда сотувга чиқариш зарурлиги таъкидланди.

Вилоят, туман ва шаҳар ҳокимларига ўз ваколатидаги 154 та бўш турган объектни бир ой мuddатда савдога чиқариш вазифаси қўйилди.

Ҳокимликлар томонидан сотувга чиқарилган мулклар сотилганда, ҳудудлар ихтиёрида қоладиган маблағлар улуши 73 фоиздан 87 фоизга ошириладиган бўлди. Бу маблағлар вилоят ва туманлар (шаҳар) бюджетлари ўртасида тенг тақсимланади.

Давлат активларини бошқариш агентлигига давлат корхоналари ҳамда банкларнинг асосий фаолиятга хос бўлмаган ва бўш турган объектларни тўлиқ қайтадан хатловдан ўтказиб, уларни хусусийлаштиришга тайёрлаш бўйича топширик берилди.

Фаолият юритмаётган ёки зарар кўриб ишлаётган корхоналарни молиявий соғломлаштириш ва модернизация қилиш бўйича таклифлар муҳокама қилинди.

Ў.А.

## Тиббиётни ривожлантиришга қаратилган муҳим ҳужжат

Ўзбекистон Республикаси Президентининг қарори билан Н. И. Пирогов номидаги Россия миллий тадқиқот тиббиёт университетининг Тошкент шаҳридаги филиали ташкил этилмоқда. Соғлиқни сақлаш тизими ва аҳоли саломатлигини муҳофаза қилиш учун муҳим илмий-амалий муаммоларни ҳал қилишга қодир юқори малакали тиббиёт кадрларини тайёрлашга иxtисослашган мазкур муассасаси таълим фаолиятини 2022/2023 ўқув йилидан бошлайди.

Филиалда таълим беришга ва илмий фаолиятга хорижий ҳамда маҳаллий профессор-ўқитувчилар жалб қилинади.

Республика шoshiнч тиббий ёрдам илмий маркази, академик В. Воҳидов номидаги Республика ихтисослаштирилган хирургия илмий-амалий тиббиёт маркази ва Тошкент давлат стоматология институти ҳудудида янги ташкил этилаётган кўп тармоқли клиника филиалнинг асосий клиник базалари сифатида белгиланди.

2 июль – Ўзбекистон Республикасининг Давлат герби қабул қилинган кун

## ДАВЛАТ ГЕРБИ – МУСТАҚИЛЛИК ТИМСОЛИ

Назозат УСМОНОВА, ЎзА мухбири.

1992 йил 2 июль кунини “Ўзбекистон Республикаси Давлат герби тўғрисида”ги қонун қабул қилинган. Унга кўра, Ўзбекистон Республикаси Давлат герби Ўзбекистон Республикаси давлат мустақиллигининг рамзидир.



Бугун ушбу муқаддас рамзини каттаю кичик бирдек қадрлайди. Унда жонажон Ўзбекистонимизнинг том маънодаги асл тасвири кўради. Гербимизга ҳар бир ҳамюртимиз алоҳида эҳтиром билан муносабатда бўлиши мамлакатимизда эзгу қадриятга айланган.

Ўзбекистон Республикаси Давлат герби. Пурвиқор тоғлар, дарёлар ва сўл томони бўғдой бошоқларидан, ўнг томони эса чанокларни очилган ғўза шохларидан иборат чамбарга ўралган гуллаган водий узра кўш заррин нурларини сочиб турибди. Бу эса ўшаш йўқ диёримиз мафтункорлигига ўзига хос ишорадир. Гербнинг юқори қисмида республика ҳурлигининг рамзи сифатида саккизбурчак, унинг ички қисмида ярим ой ва юлдуз тасвирланган. Рамз марказида бахт ва эрк-севарлик рамзи – қанотларини ёзган Хумо қуши тасвирланган. Гербнинг пастки қисмида Ўзбекистон Республикаси Давлат байроғини ифода этувчи чамбар лентасининг бантида “O‘zbekiston”, деб ёзиб қўйилган.

Ўзбекистон Республикаси Давлат гербининг рангли кўринишида Хумо қуши ва дарёлар – кумуш рангида, кўёш, бошоқлар, пахта чаноклари ва “O‘zbekiston” ёзуви – олтин рангида, ғўза шохлари ва барглари, тоғлар ва водий – яшил рангида, чаноклардаги пахта – оқ рангида, лента – Ўзбекистон Республикаси Давлат байроғининг ранглирини акс эттирувчи уч хил рангида, саккизбурчак – олтин зарҳал билан ҳoshiяланган ҳолда ҳаво, ярим ой ва юлдузлар – оқ рангида тасвирланган.

“Ўзбекистон Республикаси Давлат герби тўғрисида”ги қонуннинг 4-моддасига мувофиқ, Ўзбекистон Республикаси Давлат гербининг тасвири доимий равишда Ўзбекистон Республикаси Президенти қароргоҳлари, Олий Мажлиси палаталари, Вазирлар Маҳкамаси, республика давлат бошқаруви органлари, Дав-

қонунчилик билан белгиланган бўлиши керак. Давлат рамзларига бўлган ҳурмат мамлакатимизда мактабгача таълим масканлари ҳамда мактабларда ёш авлод онгига синдирилади. Бу эса улғайиб келаётган ўғил-қизларда ўзи туғилиб ўсган юрт тақдирини дахлдорлик, ватанпарварлик, фидойилик, Ватан учун чексиз фахр ва ифтихор туйғуларини мустаҳкамлашда муҳим омил бўлиб хизмат қилади.

2 июль – Ўзбекистон Республикаси Давлат герби қақидаги қонун қабул қилинган кун муносабати билан жойларда белгиланган тадбирлар кенг миқёсда, кўтаринки руҳда, юқори савияда ўтказилиши режалаштирилган. Республика Маънавият ва маърифат маркази, Маданият, Олий ва ўрта махсус таълим, Халқ таълими вазирликлари, Ёзувчилар уюшмаси, Ёшлар ишлари агентлиги каби ташкилотлар ҳамкорлигида “Давлат герби – мустақиллик тимсоли!” шiori остида маърифий тадбирлар ўтказиш кўзда тутилган. Уларда таниқли олимлар, ёзувчилар, шоирлар, маданият ва санъат намояндalari, эстрада хонандalari, Миллий гвардия, Мудофаа вазирлигининг ҳарбий оркестрлари иштирок этиши кутилмоқда. Шунингдек, мамлакатимизнинг барча ҳудудларида Республика Маънавият ва маърифат маркази томонидан “Янги Ўзбекистонда эркин ва фаровон яшайлик!” шiori остида ўтказилаётган “Маънавият фестивали” доирасида Ўзбекистон Республикаси Давлат герби қабул қилинган кун муносабати билан маданий-маърифий тадбирлар ўтказилади.

Ушбу санага бағишлаб телемарафонлар, Давлат гербининг аҳамияти, уни улуглашга қаратилган интерфал маданий-маърифий тадбирлар, флешмоблар, анжуманлар бўлиб ўтади. Буларнинг барчаси Давлат гербининг аҳамиятини ёш авлод онгига янада мустаҳкам синдириш, уларни улғ аждодларимизга муносиб, юртпарвар инсонлар этиб камолга етказишдек мақсадларга йўналтирилгани билан аҳамиятлидир.

Герб тасвири муҳрларда ва давлат идоралари бланкаларида, расмий нашрларда, қоғоз ва танга пулларда, қимматли қоғозлар ва фуқаролик паспортда, қонунда белгиланган бошқа ҳужжатларда акс эттирилган.

Мамлакатимизда истиқомат қилаётган ҳар бир фуқаро давлат рамзлари, шу жумладан, Ўзбекистон Республикасининг Давлат гербига ҳурмат билан муносабатда бўлиши



## “ИШГА МАРҲАМАТ” мономаркази очилди

Шухрат НОРМУРОДОВ, “O‘zbekiston bunyodkori” мухбири.

Аҳоли бандлигини таъминлаш, фуқароларнинг тадбиркорлик фаолиятини амалга ошириши учун шарт-шароитлар яратиш устувор масалага айланган.

Шу мақсадда Қарши шаҳрида банд бўлмаган аҳолига хизмат кўрсатувчи “Ишга марҳамат” мономаркази ўз фаолиятини бошлади.

Марказнинг тантанали очилиш маросимида Ўзбекистон Республикаси Бандлик ва меҳнат муносабатлари вазири Нозим Хусанов,

Қашқадарё вилояти ҳокими Зойир Мирзаев ва бошқалар бугунги кунда аҳолининг ишсиз қатлами бандлигини таъминлаш масаласига ҳукумат даражасида эътибор қаратилаётгани ва бунинг учун жойларда ишсиз фуқароларни хунарга ўргатиш бўйича барча шароитга эга марказлар

фаолияти йўлга қўйилаётганини таъкидлаб ўтди.

Ушбу марказни ташкил этиш учун Қарши шаҳридаги саноат касб-хунар коллежи биноси лойиҳа асосида 16 миллиард сўм маблағ эвазига капитал реконструкция қилинди. Қўшимча тартибда мономарказ Жаҳон банки маблағлари ҳисобидан меҳнат бозорига талаб юқори бўлган 10 та ўқитиладиган касблар бўйича замонавий жиҳозлар билан таъминланди.

2 бет

Қонунчиликни билинг

## Шаҳарсозлик кодексининг 33-моддаси нима ҳақида?

33-модда. Қурилиш материалларига, буюмларига ва конструкцияларига қўйиладиган талаблар, уларни шаҳарсозлик ҳужжатларига киритиш шартлари.

Қурилиш материаллари, буюмлари ва конструкцияларига техник жиҳатдан тартибга солиш соҳасидаги норматив ҳужжатлар талабларига жавоб бериши керак.

Шаҳарсозлик ҳужжатларида қурилиш материаллари, буюмлари ва конструкцияларининг хавфсизлик кўрсаткичлари қайд этилади.

Шаҳарсозлик ҳужжатларида қурилиш материаллари, буюмлари ва конструкцияларига қурилишнинг техник-иқтисодий асослари ҳамда лойиҳа ечимларининг талабларидан келиб чиққан ҳолда талаб олинади.

